



UNIVERSITÄTS-  
BIBLIOTHEK  
PADERBORN

## **Fasti Mariani**

**Brunner, Andreas**

**Antverpiæ, M.D.C XXX III.**

S. Ioannes Damascenvs. 6. Maii.

---

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

non pulchrius micare gemmas & uniones rata, quam in pauperis Christi centonibus, iamque eò devenerat, ut decoctâ ingenti dote, necessaria ad vitam mendicare ipsa non sine risu improborum cogeretur. Sed laudavit Christus hanc prodigalitatē conspicuus, & iterum ditavit illis verbis: *Omnia mea tua sunt, & tua mea.* Enimverò tam opulentam se ubi circumspexit IVTTA, effusior etiam dehinc vixit. Neque tamen redigi ad incitas potuit liberalis dextera. Iterum Christus illi visus potestatem fecit ex divite cordis sui aratio quas liberet opes depromendi. Illa Sapiētiae sanctioris thesauros deprompsit, ut jam sine alio Doctore arcana fidei calleret, & in ipsa adyta sanctissimæ Triadis mulier se penetraret. Nimirum neque jam supremum agram à Christo ad notas delicias invitata miror, neque dubito animum membris solutum restâ in coelos abiisse, cum versus hos in aërem abiisse inter preces, etiam cum corporis pondere legam. *Ex Byzov. to. 13. Ann. Eccl.*

S. IOANNES DAMASCENVS.

6. Maii.

ETIAM hic IOANNES, cui patria EDAMASCENO nomen fecit, inter VIRGINIS cultores in paucis est numerandus. Cùm enim Saracenorū Duci

R à con-

à consiliis esset, calamum interim in Leonem sacrarum imaginum hostem strinxit, pulchrum existimans, pro MARTIS capite manum suam objicere. Nam eum literas commentus impius esset Imperator velut ab ipso IOANNE scriptas, quibus Damascum prode- re cogitaret, easque Saraceno transmississet, dextram hic scilicet detruncavit innocenti. Sed precanti & ante icona DEIPARÆ familiaris querenti, quod ad pugnandum pro ipsius & Filii honore inermis jam esset, ecce tibi auxiliatricem manum VIRGO porrigens, dextram integerrimam restituit, relictâ solum in miraculi vestigium lineâ rubente, quam rectius armillam nos dicemus. Hinc IOANNES sapientia, sanctioris rudimenta inter Anachoretas discere aggressus, magnos brevi progressus fecit. Fiscellas enim in patriâ iussus vendere, risui scilicet fuit, qui nuper omnium admirationi erat. Iam sordes omnes in cœnobio illâ, illâ non tam suâ quàm VIRGINIS manu iussus purgare, non dubitavit imperio obsequi. Quare manum tam nobili victoriâ splendidam calamo denuò ipsa cœli Imperatrix MARIA armavit, scripsitque illa quæ hodieque orbis omnis miratur. Sed nimirum quæ reddidit, etiam rexit dexteram. *Ex lo. Patri. Hier.*